

# All in for Kids

**Txoj Kev Pab Birth to 3 (Me Nyuam Yug Kiag txog 3 Xyoos) Tsev Neeg Tsab Ntawv Xov Xwm**

All in for Kids (Tag Nrho Rau Me Nyuam) yog ib tsab ntawv xov xwm sau los faj seeb qhia rau koj thiab koj lub tsev neeg txog cov kev pab uas muaj nyob rau hauv Txoj Kev Pab Birth to 3 (Me Nyuam Yug Kiag txog 3 Xyoos). Tsab ntawv xov xwm yog sau tawm los ntawm Wisconsin Department of Health Services (Tuam Tsev Tswj Xyuas Cov Kev Kho Kab Mob Kev Nkeeg).



## **Katie Beckett Medicaid yog kev tuav pov hwm kev noj qab haus huv rau cov me nyuam yaus uas xav tau kev pab tshwj xeeb** (Katie Beckett Medicaid Is Health Insurance for Children With Special Needs)

Katie Beckett Medicaid yog ib txoj hauv kev rau cov tsev neeg kom tau txais Medicaid rau lawv tus me nyuam. Katie Beckett Medicaid muab kev pab them nqi kho mob rau cov me nyuam uas tsim nyog. Hauv Wisconsin, Katie Beckett Medicaid tuaj yeem pab cov tsev neeg kom tau txais Medicaid rau lawv tus me nyuam thaum tsev neeg ib txwm tsis muaj cai tau txais vim tias tsev neeg cov nyiaj tau los siab dhau lawm.

Katie Beckett Medicaid pab cov me nyuam uas:

- Muaj kev xav tau kev kho mob nyuaj.
- Muaj kev xiam oob qhab mus ntev.

## H

Cov ncauj lus hauv tsab ntawv xov xwm yog tshaj tawm raws U.S. Department of Education (Teb Chaws Asmeskas Tuam Tsev Tswj Kev Qhia Ntawv), Individuals with Disabilities Education Act (Cov Tib Neeg Muaj Cov Kev Tsis Taus) (IDEA), Ntu C Cov Kev Tswj Ceev Txoj Kev Cuam Tshuam Ntxov rau Cov Me Nyuam Mos thiab Me Nyuam Me Muaj Cov Kev Tsis Taus.

- Muaj kev xav tau fab kev puas siab puas ntsws.
- Nyob hauv zej zog tsis yog nyob hauv tsev kho mob los sis chaw hauj lwm.

## Katie Zaj Dab Neeg

Lub npe los ntawm tus me nyuam yaus, Katie Beckett, uas nws tsev neeg tau txhawb nqa tias cov kev kho mob thiab kev pab cuam zoo tshaj plaws rau nws cov kev xav tau muaj nyob sab nraud tsev kho mob. Tsis ntev tom qab thaum Katie yug los, nws tau mob khaub thuas. Tsev neeg tau ua hauj lwm nrog cov neeg sawv cev hauv xeev los tsim ib txoj hauv kev kom tau txais Medicaid los them rau ntau yam ntawm Katie cov kev xav tau kev noj qab haus huv kom nws tuaj yeem tau txais kev tu xyuas nyob rau tom tsev.

Katie Beckett Medicaid tau kos npe rau hauv txoj cai lij choj hauv xyoo 1981. Txij li xyoo 1981, muaj ntau tshaj 500,000 tus me nyuam yaus tau txais kev pab cuam hauv 24 lub xeev, qhov chaw Katie Beckett Medicaid tau nkag los ua hauj lwm nyob rau hauv.

## Kuv yuav paub tau li cas tias kuv tus me nyuam tsim nyog yuav tau txais?

Cov me nyuam yaus tsim nyog tau txais Katie Beckett Medicaid hauv Wisconsin yuav tsum:

- Yuav tsum muaj hnuv nyoog qis dua 19 xyoos.
- Muaj ib qho kev xiam oob qhab.
- Yog Wisconsin ib tug pej xeev.
- Ua neeg xam xaj Meskas los sis cov neeg nkag teb chaws raug raws cai.
- Nyob hauv tsev, hauv kev teeb tsa txhawb kev tu xyuas, los sis hauv lwm qhov chaw hauv zej zog uas tsim nyog.
- Ua raws li qhov kev xav tau hauv functional screen (kev ntsuam xyuas kev ua hauj lwm).
- Cov nyiaj khwv tau los yuav tsum tsis tshaj \$2,000 hauv ib hlis uas yog tus me nyuam lub npe. Cov nyiaj khwv tau los ntawm tus me nyuam lub npe suav nrog, tab sis tsis txwv rau:
  - Cov txiaj ntsig Social Security (Tuav Pov Hwm Xaus Saus)
  - Kev them nyiaj yug me nyuam
  - Kev them nyiaj uas ntseeg siab tau

## Kuv yuav thov Katie Beckett Medicaid rau kuv tus me nyuam tau li cas?

Yog tias koj txaus siab kawm txog qhov no los sis thov, ntawm no yog qhov koj yuav tsum tau ua. Koj tuaj yeem hu rau Katie Beckett Line ntawm tus xov tooj 888-786-3246, thiab Katie Beckett tus kws tshaj lij tshwj xeeb yuav pab koj.

Thaum thawj kauj ruam ntawm kev lis hauj lwm daim ntawv thov, koj thiab Katie Beckett tus kws tshaj lij tshwj xeeb yuav tau ua hauj lwm ua ke txhawm rau:

- Teb cov lus nug.
- Mus hla cov ntaub ntawv thov.
- Txheeb xyuas qee tej ntaub ntawv.

## Medicaid yog dab tsi?

Hauv Wisconsin, Medicaid pab tib neeg kom tau txais:

- Kev duav roos rau kev saib xyuas kev noj qab haus huv.
- Kev saib xyuas ncuu sij hawm ntev.
- Cov kev pab cuam rau kev noj qab haus huv ntawm lub cev thiab fab hlwb kev xav thiab kev noj qab nyob zoo.

Nws muaj ntau lub khoos kas Medicaid sib txawv. Txhua lub khoos kas muaj qhov xa tau rau kev sau npe sib txawv.

## Functional screen (kev ntsuam xyuas kev ua hauj lwm) yog dab tsi?

Functional screen (kev ntsuam xyuas kev ua hauj lwm) yog ib qho cuab yeej uas suav sau cov ntaub ntawv hais txog tus me nyuam txoj kev noj qab haus huv, xav tau kev txhawb nqa, thiab lawv ua si thiab cuam tshuam nrog lwm tus li cas. Nws pab txiav txim siab seb tus me nyuam puas muaj cai tau txais Lub Khoos Kas Saib Xyuas Children's Long-Term Support (Cov Me Nyuam Txoj Kev Txhawb Nqa Ncuu Sij Hawm Ntev), Katie Beckett Medicaid, los sis lwm cov khoos kas uas zoo sib xws.

Cov ncauj lus hauv tsab ntawv xov xwm yog tshaj tawm raws U.S. Department of Education (Teb Chaws Asmeskas Tuam Tsev Tswj Kev Qhia Ntawv), Individuals with Disabilities Education Act (Cov Tib Neeg Muaj Cov Kev Tsis Taus) (IDEA), Ntu C Cov Kev Tswj Ceev Txoj Kev Cuam Tshuam Ntxov rau Cov Me Nyuam Mos thiab Me Nyuam Me Muaj Cov Kev Tsis Taus.

- Ua kom tiav qhov functional screen (kev ntsuam xyuas kev ua hauj lwm).

Thaum daim ntawv thov thiab qhov functional screen (kev ntsuam xyuas ua hauj lwm) tiav lawm, ib pawg neeg nyob hauv Wisconsin Department of Health Services (Lub Tuam Tsev Hauj Lwm Ntsig Txog Cov Kev Pab Cuam Kev Noj Qab Haus Huv) (DHS) yuav tshuaj xyuas tus me nyuam cov ntaub ntawv kho mob kom paub meej tias tus me nyuam tsim nyog tau txais Katie Beckett Medicaid.

Tom qab koj daim ntawv thov raug tshab xyuas lawm, koj tsev neeg yuav tau txais kev txiav txim hauv kev xa ntawv. Yog tias koj tus me nyuam tau txais kev pom zoo, daim npav yas ForwardHealth ID yuav raug xa tuaj rau koj. Koj tuaj yeem siv nws kom tau txais kev pab cuam them nqi Medicaid. ❖

## Tej Yam Kev Lom Zem uas Yuav Tsum Tau Ua Rau Lub Caij Nploom Ntoos Hlav No

Tshem tawm qhov txias ntawm lub caij ntuj no thiab sim ua ib yam dej num ntawm cov kev lom zem rau lub caij nploom ntoos hlav no uas yuav ua rau koj thiab cov me nyuam rau siab huab cua sov:

- Tshuab npuas ya! Mus yuav ib co npuas yas ntawm koj lub khw muag khoom dollar uas koj nyiam los sis ua los ntawm koj tus kheej. Cov me nyuam mos nyiam saib lawv, thiab cov me nyuam yaus xyaum mus kev nyiam caum lawv!
- Taug kev nrog tus dev ntawm tsev neeg! Xyab koj ob txhais ceg thiab coj tsiaj tu ntawm tsev neeg mus taug kev rau ntawm qhov chaw uas muaj daus thiab txias uas tau tos! Puas yog tsis muaj dev? Tom qab ntawd coj cov me nyuam mus rau lub vaj ncig ua si uas nyob ze hauv koj lub zos thiab saib cov me nyuam dev ua si thiab muaj qhov txaus siab rau huab cua sov!
- Ncaj qha mus rau lub vaj ncig ua si! Dab tsi yuav zoo tshaj li los siv koj tus me nyuam me xyaum taug kev lub zog tshwj xeeb ntxiv? Cov me nyuam mos nyiam saib cov kev ua ub ua no ntawm lub tiaj ua si thiab tshawb xyuas qee lub sij hawm muab lub plab puab rau ntawm cov nyom!
- Nyeem ntawv nyob sab nraum zoov! Tsis tas yuav khaws txhua phau ntawv cia ua ntej lub sij hawm pw. Xaiv ob peb zaj yeeb yaj kiab classic, zaum nyob rau sab nraum zoov uas muaj lub hnuv ci thiab npaj txhij rau keeb kwm!
- Ncaws pob ua si! Cov me nyuam mos thiab cov me nyuam me nyiam ua si nrog cov pob, yog li txhawb kom lawv yob los sis tso lub pob los sis pov lub pob mus los thiab tawm mus. ❖

## Kev Sib Koom Ua Ke Ntawm Tsev Neeg

Lub Khoos Kas Birth to 3 (Me Nyuam Yug Kiag txog 3 Xyoo) txhawb nqa koj tsev neeg hauv kev pab tus me nyuam txoj kev loj hlob, kawm paub, thiab loj hlob mus rau lawv lub peev xwm. Kev sib koom ua ke ntawm tsev neeg - kev sib koom ua ke thiab kev koom tes ntawm cov neeg hauv tsev neeg thiab cov neeg saib xyuas hauv kev txhawb nqa thiab kev pab cuam uas tus men yuam tau txais—pab txhim kho ncaj qha rau tus me nyuam txoj kev loj hlob thiab kev tsim kho.



## KEV LOM ZEM NTAWV TSEV NEEG THAUM LUB CAIJ NPLOOJ NTOOS HLA

### Ua Koj Tus Kheej Cov Npuas Ya

Koj tuaj yeem ua cov npuas ya ntawm koj tus kheej nrog cov khoom uas koj twb muaj nyob hauv tsev! Txhua yam uas koj xav tau yog dej 1½ khob, tshuaj ntxuav tais diav ½ khob, thiab ob diav piam thaj thiab cov kauj raum yooj yim no:

- Muab cov tshuaj ntxuav tais diav tso rau hauv lub tais loj.
- Muab dej tso rau.
- Tom qab ntawd muab piam thaj tso rau.
- Maj mam muab sib tov ua ke.
- Muaj kev lom zem!

Los ntawm Spruce Crafts

lub vev xaib: <https://www.thesprucecrafts.com/make-your-own-bubble-blowing-mixture-1244214>

Cov ncauj lus hauv tsab ntawv xov xwm yog tshaj tawm raws U.S. Department of Education (Teb Chaws Asmeskas Tuam Tsev Tswj Kev Qhia Ntawv), Individuals with Disabilities Education Act (Cov Tib Neeg Muaj Cov Kev Tsis Taus) (IDEA), Ntu C Cov Kev Tswj Ceev Txoj Kev Cuam Tshuam Ntxov rau Cov Me Nyuam Mos thiab Me Nyuam Me Muaj Cov Kev Tsis Taus.



# KOOM NROG PEB COV TAU TXAIS NTAWV EMAIL

Kom tau txais ceev dua, rau npe kom tau tsab ntawv xov xwm hauv tshuab hluav taws xob thiab lwm cov ntawv email txog Birth to 3 Program (Txoj Kev Pab Rau Me Nyuam Yug Kiag txog 3 Xyoos). Mus rau [www.dhs.wisconsin.gov/aboutdhs/alerts.htm](http://www.dhs.wisconsin.gov/aboutdhs/alerts.htm), ces rub rov hauv thiab nias rau qhov chaw txuas ntawm sab laus mus rau “Ncauj Lus Txog Lub Khoos Kas Birth to 3 (Me Nyuam Yug Kiag txog 3 Xyoos) rau Cov Tsev Neeg”.

## Kev sib koom ua ke ntawm tsev neeg yog dab tsi?

Kev sib koom ua ke ntawm tsev neeg txhais tau tias tsim kev sib raug zoo ntawm tus me nyuam, koj thiab lwm tus neeg hauv tsev neeg, cov neeg saib xyuas, thiab cov neeg muab kev pab cuam. Nws koj cov tib neeg los ua hauj lwm rau tsev neeg txoj kev noj qab haus huv, kev sib raug zoo uas zoo tshaj plaws ntawm niam txiv-me nyuam, thiab kev kawm thiab kev loj hlob tsis tu ncu ntawm niam txiv thiab cov me nyuam. Kev sib koom ua ke ntawm tsev neeg hauv Lub Khoos Kas Birth to 3 (Me Nyuam Yug Kiag txog 3 Xyoos) pab xav seb yam uas koj tsev neeg txoj kev ntseeg, kev coj cwj pwm, thiab kev coj cwj pwm zoo li cas hauv koj lub tsev thiab qhov tseem ceeb rau koj tsev neeg tuaj yeem ua tau li cas hauv lwm qhov chaw ntawm tus me nyuam yaus, tsev kawm ntawv, thiab hauv zej zog.

## Vim li cas kev sib koom ua ke ntawm tsev neeg thiaj tseem ceeb?

Kev sib koom ua ke ntawm tsev neeg uas zoo muaj txiaj ntsig zoo rau tus me nyuam, suav nrog:

- Txhim kho lawv txoj kev sib raug zoo-kev xav thiab kev coj tus cwj pwm. Qhov no txhais tau hais tias pab tus me nyuam kawm paub txog tias lawv yog leej twg, tswj lawv txoj kev xav, tsim kev sib raug zoo nrog lwm tus, thiab qhia kev sib koom ua ke ntawm cov tib neeg tseem ceeb hauv lawv lub neej.
- Npaj kom txhij rau tsev kawm ntawv los ntawm kev kawm nrog lwm tus, ua raws li cov cai, thiab cov neeg laus uas ntseeg siab.
- Txhim kho cov txiaj ntsig tau los ntawm kev kawm los ntawm kev pab tus me nyuam ua tus neeg kawm uas muaj kev ntseeg siab thiab koom nrog.

## Cov hauv kev uas cov tsev neeg tuaj yeem koom nrog Lub Khoos Kas Birth to 3 (Me Nyuam Yug Kiag txog 3 Xyoos)

Lub Khoos Kas Birth to 3 (Me Nyuam Yug Kiag txog 3 Xyoos) xav tau kev sib txuas thiab kev sib koom ua ke nrog koj. Cov khoos kas thiab cov kev pab cuam muaj txiaj ntsig zoo tshaj plaws thaum cov niam txiv los sis cov neeg saib xyuas yog cov neeg koom tes. Kev sib koom ua ke ntawm tsev neeg pab tsim kev ntseeg siab rau cov niam txiv thiab cov neeg saib xyuas hauv kev txhawb nqa tus me nyuam. Cov dej num uas tshwm sim thaum mus ntsib yog nyob ntawm koj tsev neeg cov kev xav tau tshwj xeeb thiab ntawm tus me nyuam lub hnub nyoog thiab kev loj hlob, yog li lawv yuav txawv rau txhua tsev neeg. Koj pab pawg neeg yuav coj thiab txhawb nqa koj hauv cov dej num no. Hauv qab no yog qee cov lus qhia txog txoj hauv kev los koom nrog tus me nyuam txoj kev txhawb nqa thiab kev pab cuam.

- Thaum sij hawm mus ntsib:
  - Koom nrog cov me nyuam hauv kev ua ub ua no uas keev pom. Piv txwv li, nyeem ib phau ntawv nrog tus me nyuam thiab thov kom koj pab pawg neeg saib thiab muab tswv yim txog kev txhawb nqa kev nyeem ntawv.
  - Saib thaum koj pab pawg neeg ua hauj lwm nrog tus me nyuam. Tom qab ntawd koj tuaj yeem sim ntawm koj tus kheej nrog kev taw qhia los

---

Cov ncauj lus hauv tsab ntawv xov xwm yog tshaj tawm raws U.S. Department of Education (Teb Chaws Asmeskas Tuam Tsev Tswj Kev Qhia Ntawv), Individuals with Disabilities Education Act (Cov Tib Neeg Muaj Cov Kev Tsis Taus) (IDEA), Ntu C Cov Kev Tswj Ceev Txoj Kev Cuam Tshuam Ntxov rau Cov Me Nyuam Mos thiab Me Nyuam Me Muaj Cov Kev Tsis Taus.

ntawm koj pab pawg neeg kom txog thaum koj hnov tau tias xis nyob thiab ntseeg siab.

- Nug cov lus nug xws li "Koj puas tuaj yeem qhia kuv tias yuav ua dua ib zaug ntxiv li cas?" los sis "Kuv yuav tuaj yeem txhawb nqa kuv tus me nyuam txoj kev kawm li cas?"
- Teb cov lus nug xws li "Koj tau pom qhov kev hloov pauv dab tsi hauv tus me nyuam txij thaum mus ntsib zaum kawg?"
- Sib tham nrog qhov seem ntawm pab neeg los ntawm:
  - Muab kev tawm tswv yim. Qhia rau cov neeg muab kev pab cuam paub tias cov dej num twg ua tau zoo thiab qhov twg ua tsis tau zoo. Raws li tus kws tshaj lij hauv koj tsev neeg thiab tus me nyuam lub neeg, qhia koj cov kev xav thiab kev xav yog ib qho tseem ceeb heev.
  - Ua kom ntseeg tau tias koj nkag siab txog IFSP thiab nws cov hom phiaj. Yog tias muaj ib yam dab tsi tsis meej, thov cov tswv cuab los piav qhia.

Kev sib koom ua ke ntawm tsev neeg yog ib txoj hauv kev tseem ceeb los txhawb tus me nyuam txoj kev loj hlob thiab kev tsim kho. Qhia rau peb paub yog tias seb koj xav cov lus qhia ntau ntxiv txog kev koom tes nrog Lub Khoos Kas Birth to 3 (Me Nyuam Yug Kiag txog 3 Xyoos)❖

## Lub Koom Txoos Circles of Life (Txoj Kev Ua Neeg) hauv 2023

Lub Koom Txoos Circles of Life (Txoj Kev Ua Neeg) yog ib lub rooj sib ntsib txhua xyoo rau cov tsev neeg uas muaj cov me nyuam tsis taus. Cov neeg muab kev pab thiab lwm cov kws tshaj lij uas pab txhawb cov tsev neeg thiab cov me nyuam puav leej mus koom lub koom txoos.

Nyob rau hauv lub koom txoos, koj yuav ntsib nrog lwm cov tsev neeg, koom cov kev kawm, thiab paub txog lwm cov chaw muaj kev pab thiab neeg muab kev pab tshiab. Cov dej num no yog rau tag nrho lub tsev neeg, nrog rau:

- Lub koom txoos kev sab laj txog cov tub ntxhais hluas muaj kev xiam oob qhab
- Cov kev pab cuam rau cov kwv tij thiab cov nkauj muam
- Kev tu xyuas kom dim pa rau cov me nyuam me
- Family Fun Night (Hmo Lom Zem Rau Tsev Neeg) thiab noj kias lis sib raug zoo

## Cov Ntsiab Lus Ntawm Lub Koom Txoos

Xyoo no lub koom txoos yuav muaj rau thaum Tsib Hlis Ntuj tim 11-12, 2023. Koj mus koom ntau tim ntsej tim muag los sis nyob nrug deb (saum huab cua). Txhawm rau muab qhov chaw nyab xeeb rau cov tsev neeg uas xaiv tuaj koom lub koom txoos tim ntsej tim muag, looj ntaub npog ntsej muag yuav tsum tau ua rau txhua ntu hauv kev sib tham thiab cov xwm txhej tau npaj tseg.

## Koom Tim Ntsej Tim Muag

Lub koom txoos yuav muaj nyob rau ntawm Wilderness Resort hauv Wisconsin Dells, Wisconsin. Lub Wilderness Resort tab tom tuav qee chaw rau cov neeg

## H AIS KOM NCO TXOG

Lub Khoos Kas Birth to 3 (Me Nyuam Yug Kiag txog 3 Xyoos) pab neeg (uas yog muaj koj lub tsev neeg) yuav ua hauj lwm ua ke los tsim muaj Individualized Family Service Plan (Lub Tswv Yim Muab Kev Pab Rau Ib Tsev Neeg) (IFSP). IFSP yog ib txoj kev npaj sau uas qhia thiab txhawb kev siv zog los txhawb koj tus menyuam txoj kev loj hlob mus txog 3 xyoos. Txoj kev npaj no yog raws li cov kev xav tau los pab ua kom tau raws li lub hom phiaj tshwj xeeb ntawm koj tsev neeg thiab tus me nyuam.

Cov ncauj lus hauv tsab ntawv xov xwm yog tshaj tawm raws U.S. Department of Education (Teb Chaws Asmeskas Tuam Tsev Tswj Kev Qhia Ntawv), Individuals with Disabilities Education Act (Cov Tib Neeg Muaj Cov Kev Tsis Taus) (IDEA), Ntu C Cov Kev Tswj Ceev Txoj Kev Cuam Tshuam Ntxov rau Cov Me Nyuam Mos thiab Me Nyuam Me Muaj Cov Kev Tsis Taus.

tuaj koom lub koom txoos uas xav so nyob rau hauv lub tsev so. Peb pom zoo kom cooj tseg cov chav pw ntxov.

### **Nyob Nrug Deb Koom**

Koj tuaj yeem nyob deb koom los tau (los sis saum huab cua) siv lub xov tooj smartphone, tablet, los sis khoos phis tawj. Yuav tshaj tawm lub koom txoos thaum Tsib Hlis Ntuj tim 11–12, 2023. Yuav puav leej muab kaw tseg kom koj saib tau tom qab mus. Mus xyuas Circles of Life (Txoj Kev Ua Neeg) qhov vas sab ntawm [www.circlesoflifeconference.com](http://www.circlesoflifeconference.com) kom paub ntxiv.

Yog tias koj nyob deb koom, koj tuaj yeem xaiv ob ntu rau hauv txhua qhov koom txoos.

### **Rau Npe Koom Lub Koom Txoos**

Kev rau npe rau lub koom txoos muaj. Muaj cov lus qhia nyob rau ntawm Circles of Life (Txoj Kev Ua Neeg) qhov vas sab ntawm [www.circlesoflifeconference.com](http://www.circlesoflifeconference.com).

Yog koj xav tau nyiaj pab them mus koom lub koom txoos, muaj cov nyiaj thov pab. Yog xav paub ntau ntxiv, mus saib Circles of Life (Txoj Kev Ua Neeg) lub vev xaib ntawm [www.circlesoflifeconference.com](http://www.circlesoflifeconference.com). ❖

## **Qhov Tseem Ceeb Ntawm Tsev Neeg Rau Lub Khoos Kas Birth to 3 (Me Nyuam Yug Kiag txog 3 Xyoos): Bella Zaj Dab Neeg**

Peb tau hnov los ntawm ib tsev neeg uas tau sib faib qhia txog yam uas Lub Khoos Kas Birth to 3 (Me Nyuam Yug Kiag txog 3 Xyoos) tau pab lawv tus ntxhais 2 xyoos, Bella, tawm tau los li cas.

Txij li thaum pib Lub Khoos Kas Birth to 3 (Me Nyuam Yug Kiag txog 3 Xyoos) lub caij ntuj sov dhau los, Bella niam, Catrina, hais tias nws tus ntxhais tau hloov pauv yam ntseeg tsis tau ua tau pom.

Catrina hais tias Bella tus kws kho mob tau ua hauj lwm zoo nrog nws, thiab Bella tos ntsoov rau nws cov kev kho mob hauv txhua lub lim tiam.

Catrina hais tias "Nws pib ntawm qhov kev ntsiag to, txaj muag, thiab ntshai los tsim cov lus tshiab". "Tam sim no nws qhia kuv txog lub ntiaj teb nyob ib puag ncig nws yam ntseeg siab, thiab nws tau mob siab rau kawm paub cov lus tshiab." ❖



Cov ncauj lus hauv tsab ntawv xov xwm yog tshaj tawm raws U.S. Department of Education (Teb Chaws Asmeskas Tuam Tsev Tswj Kev Qhia Ntawv), Individuals with Disabilities Education Act (Cov Tib Neeg Muaj Cov Kev Tsis Taus) (IDEA), Ntu C Cov Kev Tswj Ceev Txoj Kev Cuam Tshuam Ntxov rau Cov Me Nyuam Mos thiab Me Nyuam Me Muaj Cov Kev Tsis Taus.

# Txoj Kev Pab Birth to 3 (Me Nyuam Yug Kiag txog 3 Xyoos) Xav Tau Koj Lub Tsev Neeg Cov Dab Neeg thiab Duab!

Tsab ntawv xov xwm All in for Kids (Tag Nrho Rau Me Nyuam) yog rau cov tsev neeg, thiab peb xav nthuav qhia koj cov duab thiab cov koj tau ntsib muaj rau lwm cov neeg nyeem kom muaj kev txaus siab! Koj tuaj yeem faib lwm yam xws li:

- Ib txoj kev sib ntsib zoo nrog Txoj Kev Pab Birth to 3 (Me Nyuam Yug Kiag txog 3 Xyoos) los sis ib qho qauv qhia tias nws tau pab koj los sis tus me nyuam li cas.
- Ib daim duab los sis ib zaj dab neeg txog ib qho kev uas koj tau ua nrog koj tus me nyuam.
- Ib daim duab ntawm ib yam zoo nkauj los sis lwm yam uas koj tus me nyuam tau ua.

Xa koj zaj dab neeg ntawm koj lub tsev neeg los sis daim duab hauv email mus rau [dhsbirthto3@dhs.wisconsin.gov](mailto:dhsbirthto3@dhs.wisconsin.gov) nrog "All in For Kids" rau ntawm kab teev lus qhia. Koj puav leej xa tau cov tswv yim dab neeg uas koj xav pom sau rau hauv daim ntawv xov xwm. Peb npaj siab xav hnov ntawm koj! ❖

## Cov kev pab zoo rau cov tsev neeg

Txhua tus muaj 5 xyoos thiab loj dua yuav tau txhaj koob tshuaj txhawb (bivalent) tshiab kom txhaj txhij cov tshuaj tiv thaiv kab mob COVID-19. Kev ceeb toom qhia cov ntaub ntawv tas li yuav tuaj yeem tiv thaiv tau tus kab mob hanyav cuam tshuam nrog tus kab mob COVID-19. Cov ncauj lus txog cov tshuaj txhaj txhawb: [www.dhs.wisconsin.gov/covid-19/vaccine-booster.htm](http://www.dhs.wisconsin.gov/covid-19/vaccine-booster.htm)

Cov ntaub ntawv tshiab tshaj plaws txog COVID-19, suav nrog cov ntaub ntawv hais txog kev txhaj tshuaj tiv thaiv rau me nyuam yaus, koob tshuaj txhawb, thiab kev kuaj mob: [www.dhs.wisconsin.gov/covid-19/index.htm](http://www.dhs.wisconsin.gov/covid-19/index.htm)

Txhua tus neeg 6 hli thiab loj dua yeej txhaj tau tshuaj tiv thaiv kab mob COVID-19 dawb ntawm lawv tus kws kho mob, cov chaw txhaj tshuaj tiv thaiv kab mob hauv zej zog, cov tuam tsev tswj xyuas kev noj qab haus huv hauv zos thiab pawg neeg qhab, los sis lub khw muag tshuaj. Nrhiav kom paub ntawm: [www.dhs.wisconsin.gov/covid-19/vaccine-get.htm](http://www.dhs.wisconsin.gov/covid-19/vaccine-get.htm)

Tiv thaiv cov me nyuam muaj 2 xyoos thiab loj dua ntawm tus kab mob COVID-19 los ntawm kev looj daim ntaub khwb ntsej muag. Kawm tau ntxiv ntawm: [www.dhs.wisconsin.gov/covid-19/parents.htm](http://www.dhs.wisconsin.gov/covid-19/parents.htm)

Cov tswv yim rau kev sib tham txog cov tshuaj tiv thaiv kab mob COVID-19 nrog lub tsev neeg thiab cov phooj ywg: [www.dhs.wisconsin.gov/covid-19/vaccine-talk.htm](http://www.dhs.wisconsin.gov/covid-19/vaccine-talk.htm)

Yuav tiv thaiv tus mob khaub thuas li cas: [www.dhs.wisconsin.gov/influenza/prevention.htm](http://www.dhs.wisconsin.gov/influenza/prevention.htm)

## NCAUJ LUS RAU KOJ

Kev txhaj tshuaj tiv thaiv kab mob yog txoj kev tiv thaiv tau COVID-19 zoo tshaj plaws. Koj puav leej pab cheem tau txoj kev sib kis kab mob los ntawm:

- Looj daim ntaub npog qhov ncauj ntawm kev thauj mus los hauv rau sawv daws los sis ntawm ib qhov neeg coob. Koj tuaj yeem coj tau daim ntaub npog qhov ncauj txawm tias tsis tas yuav tsum tau ua.
- Nyob twj ywm hauv tsev thaum mob.
- Mus ntsuas kab mob yog koj muaj cov kev mob tshwm sim los sis tom qab nyob sib ze nrog ib tug neeg uas muaj tus kab mob COVID-19.

Cov ncauj lus hauv tsab ntawv xov xwm yog tshaj tawm raws U.S. Department of Education (Teb Chaws Asmeskas Tuam Tsev Tswj Kev Qhia Ntawv), Individuals with Disabilities Education Act (Cov Tib Neeg Muaj Cov Kev Tsis Taus) (IDEA), Ntu C Cov Kev Tswj Ceev Txoj Kev Cuam Tshuam Ntxov rau Cov Me Nyuam Mos thiab Me Nyuam Me Muaj Cov Kev Tsis Taus.

Ncauj lus txog me nyuam ob lub qhov muag noj qab haus huv, qhov muag pom kev, thiab kev ntsuam xyuas:

[www.aao.org/eye-health/tips-prevention/tips-children-eyes-vision](http://www.aao.org/eye-health/tips-prevention/tips-children-eyes-vision)  
[www.aao.org/eye-health/tips-prevention/children-eye-screening](http://www.aao.org/eye-health/tips-prevention/children-eye-screening)

Ncauj lus txog me nyuam ob lub qhov muag noj qab haus huv, qhov muag pom kev, thiab kev ntsuam xyuas:

[www.healthychildren.org/English/health-issues/conditions/eyes/Pages/Warning-Signs-of-Vision-Problems-in-Children.aspx](http://www.healthychildren.org/English/health-issues/conditions/eyes/Pages/Warning-Signs-of-Vision-Problems-in-Children.aspx)

Puas Yog Tuaj Tshiab Koom Lub Khoos Kas Birth to 3 (Me Nyuam Yug Kiag txog 3 Xyoos)? Xyuas cov chaw muaj kev pab no:

- Phau Ntawv Qhia Txog Kev Pab Txhawb Thaum Ntxov pab koj nkag siab tias kev pab txhawb thaum ntxov pab koj tsev neeg thiab tus me nyuam kawm thiab loj hlob ua ke li cas:  
[www.dhs.wisconsin.gov/library/p-03022.htm](http://www.dhs.wisconsin.gov/library/p-03022.htm)
- Cov Kev Pab Cuam Rau Lub Khoos Kas Birth to 3 (Me Nyuam Yug Kiag txog 3 Xyoos) ntawm phau ntawv qhia Lub Ntsiab Luv-Luv piav qhia txog kev txhawb nqa thiab kev pab cuam uas muaj:  
[www.dhs.wisconsin.gov/library/p-03011.htm](http://www.dhs.wisconsin.gov/library/p-03011.htm)

Cov ntawv xov xwm All in for Kids (Tag Nrho Rau Me Nyuam): Lub Khoos Kas Birth to 3 (Me Nyuam Yug Kiag txog 3 Xyoos) sau dhau los:

[www.dhs.wisconsin.gov/birthto3/family/index.htm](http://www.dhs.wisconsin.gov/birthto3/family/index.htm) (rub mus rau tsem Publications (Cov Luam Tawm) nram qab nplooj ntawv)

---

Cov ncauj lus hauv tsab ntawv xov xwm yog tshaj tawm raws U.S. Department of Education (Teb Chaws Asmeskas Tuam Tsev Tswj Kev Qhia Ntawv), Individuals with Disabilities Education Act (Cov Tib Neeg Muaj Cov Kev Tsis Taus) (IDEA), Ntu C Cov Kev Tswj Ceev Txoj Kev Cuam Tshuam Ntxov rau Cov Me Nyuam Mos thiab Me Nyuam Me Muaj Cov Kev Tsis Taus.

All in for Kids (Tag Nrho Rau Me Nyuam) yog ib tsab ntawv xov xwm sau tawm los ntawm Wisconsin Department of Health Services (Tuam Tsev Tswj Xyuas Cov Kev Kho Kab Mob Kev Nkeeg) cov me nyuam thiab cov tsev neeg nyob rau hauv Wisconsin Lub Khoos Kas Birth to 3 (Me Nyuam Yug Kiag txog 3 Xyoos).

Wisconsin Lub Khoos Kas Birth to 3 (Me Nyuam Yug Kiag txog 3 Xyoos) yog ib txoj kev pab cuam tshuam ntxov rau cov me nyuam tsis nto hnuv nyoog 3 xyoos uas muaj cov kev cob pob thiab cov kev tsev taus thiab lawv cov tsev neeg. Txoj kev pab sib koom tes nrog cov tsev neeg los pab tus me nyuam txoj kev loj hlob thiab txhawb rau lub tsev neeg cov kev peev xwm, kev txuj ci thiab kev rab peev xwm thaum lawv ua ub no nrog thiab tu tus me nyuam. Xav paub ntxiv, mus xyuas [www.dhs.wisconsin.gov/children/index.htm](http://www.dhs.wisconsin.gov/children/index.htm).

Para leer este boletín en español, visite [www.dhs.wisconsin.gov/library/akidsb-3-2022.htm](http://www.dhs.wisconsin.gov/library/akidsb-3-2022.htm).

Xav nyeem tsab ntawv xov xwm no ua Lus Hmoob, mus xyuas [www.dhs.wisconsin.gov/library/akidsb-3-2022.htm](http://www.dhs.wisconsin.gov/library/akidsb-3-2022.htm).

For other languages (繁體中文, 简体中文, Deutsch, العربية, русский, 한국어, Tiếng Việt, Deitsch, ພາສາລາວ, Français, Polski, हिंदी, Shqip, Tagalog, Soomaali): 608-266-5580.

